

خَطِ اَوَّلِ پوُلُسِ بَلَدِه تيموتائوس

پيشگفتار

امی خط ره پوُلُس بَلَدِه تيموتائوس نوشته كده. تيموتائوس يگ ايماندارِ جوان از مردُمِ ولايتِ غلاتيه بُود كه غلاتيه دَ تُركيه اِمروزي مَوقِيعتِ دَشت. آبه تيموتائوس يهُودي و آته شي غَيرِ يهُودي بُود. تيموتائوس همكار و دوستِ پوُلُس بُود كه دَ سَفرِ هاي شي قد ازو مورفت و دَ اعلانِ كدونِ خوشخبري دَ باره مسيح اُو ره كومك موكد. پوُلُس تيموتائوس ره بَلَدِه رهبري جماعتِ هاي ايماندارا تعيين كُدد، بطورِ نَمونه بَلَدِه جماعتِ ايمانداراي شارِ اِفَسُس.

پوُلُس بَلَدِه تيموتائوس پيغامِ نوشته مونه تا اُو ره دَ خِدمتِ تشويقِ كنه و دَ باره عقیده هاي غَلَطِي كه دَ مينكلِ ايماندارا پيدا شُده اُو ره باخبر كُنه. يكي از عقیده هاي غَلَطِ اِي بُود كه نجاتِ دَ وسيله كارايِ مِثَلِ نَخوردونِ بعضي خوراكِ ها و تويِ نَكَدو دَ دِستِ ميبه. پوُلُس امچنان دَ باره اداره و عِبادتِ جماعتِ ايماندارا و دَ باره تعيينِ كدونِ رهبرايِ دَ جماعتِ ها تيموتائوس ره راهنمائي مونه.

فهرستِ عنوانِ ها:

- سلام ها (فصل ۱ آیه ۱ - ۲)
- اخطار دَ باره تعلیمای غَلَط (۳:۱)
- لُطْفِ خُدا دَ سِرِ پوُلُس (۱۲:۱)
- هِدَايَتِ دَ باره دُعا و عِبَادَت (۱:۲)
- اخلاقِ سرپرست و خِدْمَتِ گارِ جَمَاعَتِ اِيْمَانْدَارَا (۱:۳)
- پيشگويی دَ باره دُور شُدونِ مَرْدُمِ از خُدا (۱:۴)
- نصِيحَتِ بَلَدِه خَادِمِ خُوبِ مَوْلَا مَسِيح (۶:۴)
- رفتار دَ مُقَابِلِ اَفْرَادِ مُخْتَلِفِ دَ جَمَاعَتِ اِيْمَانْدَارَا (۱:۵)
- رفتارِ قَدِ بُزُرْگَايِ جَمَاعَتِ (۱۷:۵)
- نصِيحَتِ دَ غَلَامَا و بَادَارِهَا (۱:۶)
- نصِيحَتِ دَ باره تَعْلِيمِ غَلَطِ و ثُرُوتِ حَقِيقِي (۲:۶)
- نصِيحَتِ خَاصِ پوُلُسِ بَلَدِه تِيْمُوتَاوُس (۱۳:۶)

سلام ها

۱ از طرفِ پوُلُس، یکی از رسُولایِ عیسیٰ مَسِيح، دَ حُکْمِ خُدا نِجَاتِ دِهِنْدِه مَو و دَ
اَمْرِ عیسیٰ مَسِيح اُمیدِ اَز مَو، ۲ بَلَدِه تِيْمُوتَاوُس باچِه حَقِيقِي مِه دَ وَسِيلِه اِيْمَان: فَيِض،
رَحْمَتِ و سَلَامَتِي از جَانِبِ اَتِه مَو خُدا و مَوْلَايِ مَو عیسیٰ مَسِيح نَصِيْبِ تُو شُنِه.

أَخْطَارَ دَ بَارِهِ تَعْلِيمَايَ غَلَطَ

^۳ وختیکه سُون ولایتِ مَقْدُونِيه رَبِي شُدْم، ما دَز تُو تَاكِيْد كُدْم و آلي ام بَطُوْر جِدِي از تُو خَاهِش مُوْنَم كه دَ شَارِ اِفْسُس بُمَنِي تا دَ بَعْضِي آدْمَايَ كه تَعْلِيمَايَ غَلَطَ مِيدِيه، حُكْم كَنِي كه اُونَا اِي كَارَا رِه قُوِي كَنه. ^۴ دَ بِلَه ازوا حُكْم كُو كه دَ قِصَّه هَاي رَقْم رَقْم و دَ شَجْرَه نَامِه هَاي دُوْرْدِرَاز تَوَجُّه نَكْنَه، چُون اِي چِيْزَا دَ جَاي اَزِي كه نَقْشِه و كَارَاي خُدا رِه پِيْش بُرِه، بَاعِثِ سِتِيْزِه و بَحْثِ هَا مُوشِه. ^۵ لِيَكِن هَدَفِ حُكْمِ اَزْمُو، مِهْر و مُحَبَّتِ اَسْتِه كه از دِلِ پَاك، از وِجْدَانِ صَاْف و از اِيْمَانِ خَالِصِ سِرْچِشْمِه مِيْگِيْرِه. ^۶ بَعْضِي مَرْدُمَا اَزِي چِيْزَا رُوِي گَرْدُو شُدِه خُود رِه دَ تُوْرَاي پُوْچِ رَاهِ گُم كَدِه. ^۷ اُونَا مِيْخَايِه كه مَعْلِمَايَ شَرِيْعَتِ بَشِه، دَ حَالِيَكِه هِيْچِ نَمُوْفَاْمِه كه چِي مُوْگِيِه و دَ بَارِه چِيْزِخِيْلِ اِي رَقْمِ بَا اِطْمِيْنَانِ كَپِ مِيْزَنِه. ^۸ مَگْم مُو مِيْدَنِي كه شَرِيْعَتِ خُوبِ اَسْتِه، بَشَرَطِي كه دَ طَرِيْقَه صَحِيْحِ اَز شِي اِسْتِفَادِه شُنِه. ^۹ مُو اِي رِه ام مِيْدَنِي كه شَرِيْعَتِ بَلَدِه اَدَمِ صَادِقِ تَعْيِيْنِ نَشُدِه، بَلَكِه بَرَايِ كَسَايِ تَعْيِيْنِ شُدِه كه شَرِيْعَتِ رِه مِيْدِه مُونِه و سِرْكَشِ اَسْتِه، بَلَدِه خُدا نَاشِنَاْسَا و گُناهِكَارَا، بَلَدِه اَدْمَايِ نَاپَاك و دُنْيَايِي، بَلَدِه كَسَايِ كه اَتِه و اَبِه خُو رِه قَتْلِ مُونِه و بَلَدِه دِيْگِه اَدْمَكُشَا، ^{۱۰} بَلَدِه زِنَاكَارَا و هَمْجِنَسِ بَاْزَا، بَلَدِه اَدَمِ دُزَا و دَرُوْغْگُوِيَا و بَلَدِه كَسَايِ كه قَسْمِ دَرُوْغِ مُوْخُوْرِه و يَا هَر رَقْمِ كَارَايِ دِيْگِه مُونِه كه دَ خِلَافِ تَعْلِيْمِ دُرُسْتِ بَشِه. ^{۱۱} اَمِي تَعْلِيْمِ دُرُسْتِ كه دَ مُطَابِقِ اِنْجِيْلِ پُرْجَلَالِ اَسْتِه از طَرَفِ خُدايِ مُتَبَارَكِ دَ عَهْدِه اَزْمِه اِيْشْتِه شُدِه.

لُطْفِ خُدا دَ سِرِ پوُلُس

^{۱۲} ما از مسیح عیسی مَولای مو شکرگزار اَسْتُم که مَره قُدْرَت دَد و وفادار حِسَاب کده لایق ازی دید که ما بلده شی خِدْمَت کُنْم، ^{۱۳} اگرچِه دَ زَمَانِ سَابِقِ ما یِگ آدمِ کُفْرگوی، مردم آزار و ظالمِ بُوْدُم، لیکن باو جُودِ اَزُو ام خُدا دَ بِلِه ازمه رَحْم کد، چراکه بے ایمان بُوْدُم و نَمُوفامیْدُم که از جهالت چِیز کار مُونُم. ^{۱۴} واقعا، فِیضِ مَولای مو بے حَد پَریمو قد ایمان و مَحَبَّتِی که دَ عیسی مسیح و جُودِ دَره، دَز مه رسید. ^{۱۵} ای توره دُرست و کامِلاً قَابِلِ قَبُولِ اَسْتِه که مسیح عیسی دَ دُنیا اَمَد تا گُناهکارا ره نِجاتِ بَدیه که کلانترین ازوا خود مه اَسْتُم. ^{۱۶} لیکن امزی خاطر خُدا دَ بِلِه ازمه رَحْم کد تا که مسیح عیسی صَبْر-و-حَوصِلِه خُو ره از یِگ کده اوْلتر دَز مه نشو بَدیه و مَره یِگ نَمونه جور کُنه تا تمام کسای که مَره مینگره دَزُو ایمان بیره و صَاحِبِ زِندگی اَبَدی شُنه. ^{۱۷} دَ خُدا یِکتا، دَمزُو پادشاهِ جاویدانی، نیست ناشدنی و نادیدنی، عِزَت و جلال تا اَبَدُالاباد. آمین.

^{۱۸} ای تیموتائوس باچه مه، اینمی حُکم ره دَ مُطابِقِ نَبُوتِ های که از پیش دَ باره ازتو گُفته شُدُد، دَز تُو میْدُم تا دَ و سِبِلِه امزُو تورای نَبُوتِ دَمزی جَنگِ نیکو مَبارزه کنی ^{۱۹} و ایمان و جِدانِ پاک خُو ره نِگاه کنی. چُون بعضی کسا امی چِیزا ره رَد کد و ایمانِ ازوا تَباه شُد، اَمُو رَقْم که یِگ کِشتی دَ طوفانِ میده موشه. ^{۲۰} هیمینائوس و سِکندر از جُمْلِه امزُو کسا اَسْتِه که ما اونا ره دَ چَنگِ شَیْطو ایلِه کُدُم تا که درسِ عِبْرَتِ بَگیره و دِیگه کُفْرگویی

هُدَايَت دَ بَارِه دُعا و عِبَادَت

۲ امزی خاطر ما از پگ کده اوّل تَاكِيْد مُوْنَم که درخاست ها، دُعا ها، شَفَاعَت ها و شُکْرگُزاري ها دَ دَرگَاهِ خُدا دَ حَقِ پگِ مَرْدُم تَقْدِيْم شُنِه، ^۲ دَ حَقِ پادشايو و تمامِ کساي که صَاحِبِ اِخْتِيَار اَسْتِه، تاکه مو بَتَنِي دَ صُْلَح و اَرَامِش و دَ کَمَالِ خُدا تَرَسِي و با اَبْرُو زِنْدَگِي خُو ره تير کُنِي. ^۳ اَيْنِمِي کار دَ نَظَرِ خُدا، يَعْنِي نِجَاتِ دِهِنْدِه مو، نِيک و قَابِلِ قَبُول اَسْتِه. ^۴ او ميخايه که پگِ مَرْدُم نِجَاتِ پيدا کُنِه و حَقِيْقَت ره بُقَامِه، ^۵ چُون خُدا يِگ اَسْتِه و دَ بَيْنِ خُدا و اِنْسَان تَنها يِگ واسِطَه و جُود دَرِه که او شَخْص مَسِيح عِيسِي اَسْتِه. ^۶ او جان خُو ره دَ عِنْوَانِ فِدِيَه بَلْدِه تَمَامِ بَشَر دَد. امي خود شي يِگ شَاهِدِي اَسْتِه که دَ وختِ مُنَاسِبِ رُخ دَد. ^۷ و بَلْدِه امزي مَنظُور ما و اعِظ و رُسُول و مَعْلِم تَعْيِيْن شُدَم تاکه دَ مِلَّتِ هَاي غَيْرِ يَهُودِراهِ اِيْمَان و حَقِيْقَت ره بِيان کُنَم. اَيْنِمِي توره دروغ نِييه، بَلْکِه رَاس اَسْتِه. ^۸ پس، آرزوي مه ايني اَسْتِه که مَرْد هَا دَ تَمَامِ جَايا بَدُونِ قَار و نِفَاقِ دِستايِ پَاک خُو ره بِلنْد کده دُعا کُنِه. ^۹ ما امچنان ميخايَم که خاتونو کالاي مَنَاسِبِ، با حِجَاب و با عِزَتِ بِيُوشِه و خود ره قَد مَوي پُر کَش-و-فَش و يا قَد طِلاّ و مُرواري و کالاي قِيْمَتِي آرايش نَکُنِه. ^{۱۰} برعکس، خاتونوي که اِدْعايِ خُدا پَرَسْتِي مُونِه، بَلْدِه ازوا مَنَاسِبِ اَسْتِه که خود ره قَد اَعْمَالِ و کِرْدارِ نِيک آرايش کُنِه.

۱۱ خاتونو باید د آرامی و د اطاعتِ کاملِ تعلیمِ دینی حاصل کړه. ۱۲ اجازه نَمیدم که یگ خاتو درس های روحانی بډیه و یا د بله مرد ها حکمرانی کړه، بلکه خاتونو باید آرام بشینه. ۱۳ علت ازى حکم اینمى آسته که خدا اوّل آدم ره خلق کد و بعد ازو خوا ره. ۱۴ و امچنان، آدم بازی نځورد، بلکه خوا بود که از گفته شیطو بازی خورد و از امرِ خدا سربېچى کد. ۱۵ اگه خاتونو د ایمان و مُحَبَّتِ ادامه بډیه و پاک و با حیا بشه اونا د وسیله زیدونِ اولاد د ای دُنیا نجات پيدا مونه.

اخلاقِ سرپرست و خدمتگارِ جماعتِ ایماندارا

۳ ای توره قابلِ اعتماد آسته: اگه یگو کس شوقِ دره که سرپرستِ جماعتِ شنه، او د آرزوی یگ کارِ خوب آسته. ۲ پس سرپرستِ جماعت باید شخصِ بے عیب و تنها شوی یگ خاتو بشه. او باید آدمِ عقلتو، خوددار، با آبرو، مهمونواز و معلمِ توانا بشه. او باید شرابخور و جنگره نبشه، بلکه یگ شخصِ مهربو و صلح طلب بشه، نه پیسه دوست. او باید خانواده خو ره خوب اداره کړه و اولادای شی باید قد احترامِ کامل ازو اطاعت کړه. ۵ چون اگه یگو کس خانواده خود خو ره اداره کده نَمیتنه، پس چطور میتنه که از جماعتِ ایماندارای خدا نگاهوانی کړه؟ ۶ سرپرستِ جماعت نباید شخصِ نو ایمان بشه؛ نشنه که او مغرور شده رقمِ شیطو الی محکوم شنه. ۷ علاوه ازى، لازمه که د نظرِ مردم خارج از جماعتِ ایماندارا نیکنام بشه تا که رسوا نشنه و د دامِ شیطو گرفتار نشنه. ۸ خادما ام باید

آدمای مُحترم بَشه، نَه دُوروی. اونا از خوردونِ شرابِ کَلو و فایده حرام پرهیز کُنه ^۹ و رازِ ایمان ره قد وِجدانِ پاک خُو نِگاه کُنه. ^{۱۰} بیلید که اونا اوّل اِمْتِحانِ شُنه و اگه بے عیب بُود، اونا میتنه خِدْمَت کُنه. ^{۱۱} خاتونو ام باید آبرومند بَشه، نَه چُغل-و-غیبَتگویی، بلکه اونا خوددار و دَ پگِ کارا وفادار بَشه. ^{۱۲} خادِما فقط یگِ خاتو دَشته بَشه و بچکیچا و خانوادِه خُو ره دَ طریقه خُوب اِداره کُنه. ^{۱۳} خُلاصه، کسای که به حیثِ خادِم خُوب خِدْمَت مونه، اونا یگِ درجه خُوب و مُعْتَبَر بلده خُو حاصل مونه و اِعْتِمادِ ازوا دَ ایمانی که دَ عیسیٰ مسیحِ دَره، کَلو موشه. ^{۱۴} امی چیزا ره دَ اَمیدِ ازی بلده تُو نُوشته مُونم که دَ زودی دَ پیش تُو بییم، ^{۱۵} ولے اگه طال خوردُم، تُو موفامی که مردُم باید چی رقم دَ خانوارِ خُدا رفتار کُنه. چُون امی خانوار، جماعتِ ایماندارای خُدای زنده یه، یعنی اونا پایه و بُنیادِ حقیقت اَسته.

^{۱۶} پگ مو موافق اَسْتی که رازِ دین و دینداری مو بزرگ اَسته:

اُو دَ شکلِ اِنسانِ ظاهِر شُد،

روحِ اَلْقُدسِ حقیقتِ شی ره ثابت کد

و ملایکه ها او ره دید.

خوشخبری دَ باره شی دَ بَینِ مِلَّتِ ها اِعلانِ شُد

و مرْدُمِ دُنیا دَزُو ایمانِ اُورد.

و اَخِرِکارِ اُو دَ بَزُرگی-و-جلالِ دَ عالمِ باله بُرده شُد.

پیشگویی دَ باره دُور شُدونِ مرْدُمِ از خُدا

۴ روحِ اَلْقُدسِ بَطَوْرِ واضِحِ مُوگه که دَ زمانایِ اَخِرِ بعضیِ مرْدُمِ از ایمانِ خُو دُور موره و دَ ارواحِ بازی دِهِنده تَوَجُّه کده از تعلیماتِ جِنیاتِ پیروی مونه. ^۲ ایطور تعلیماتِ دَ وسیله ریاکاری دروغگوبا دَ و جُود مییه که وِجِدانِ ازوا بے حِس شُده، مِثَلِ که قد آینِ داغ سوختنده شُده بَشه. ^۳ اونا حتی از توی کدو و از خوردونِ بعضی خوراکا مرْدُمِ ره مَنعِ مُوکنه، از خوراکای که خُدا پَیدا کده تا کسای که دَزُو ایمانِ دَره و حقیقتِ ره مُوفامه، قد شُکرگزاری ازوا اِستِفاده کُنه. ^۴ چُونِ هر چیزی ره که خُدا بَلدِه اِنسانِ پَیدا کده، اگه قد شُکرگزاری قَبُولِ شُنه، خُوب و قَابِلِ اِستِفاده یه و نَبایدِ رَدِ شُنه، ^۵ چراکه هر خوراکِ دَ وسیله کلامِ خُدا و دُعا پاک-و-حلالِ مُوشه.

نصیحتِ بلده خادمِ خوبِ مولا مسیح

۶ اگه ای تورا ره د برارو یاد بدی، اوخته توییگ خادمِ خوبِ مسیح عیسی جور موشی. پس حقیقتای ایمان و تعلیمای خوب که تُو از شی پیروی مونی، تُو ره پرورش مونه. ۷ د قصه های بے ارزش و نقل های آجه گو توجّه نکُو.

د خدایپرستی کوشش و عادت کُو، ۸ چراکه تمرین و ورزشِ بدنی فایده کم دره، ولی دینداری و خدایپرستی از هر نگاه فایدمنده و بلده زندگی فعلی و زندگی ابدی وعده و امید میدیه. ۹ ای توره دُرست و کاملاً قابلِ قبول آسته. ۱۰ بلده امزی هدَف مو کوشش مونی و زحمت میکشی، چُون امید ازمو د خدای زنده یه که نجات دهنده پگِ مردُم آسته، خصوصاً نجات دهنده امزو کسای که ایمان دره.

۱۱ ای چیزا ره دزوا حُکم کده تعلیم بدی. ۱۲ هیچ کس ره نه ایل که تُو ره از خاطرِ جوانی تُو حقیر حساب کنه، بلکه د گفتار، کردار، مُحَبّت، ایمان و پاکی بلده ایماندارا یگِ الگو بش. ۱۳ تا امدون ازمه خود ره د قرائتِ کلامِ مُقَدّس، د تشویق کدو و د تعلیم ددون ایماندارا مشغول کُو. ۱۴ نسبت د نعمتِ روحانی که دز تُو وجود دره بے پروا نبش، چُون ای نعمت د وسیله پیشگویی و قد دست کشیدو د بله از تُو توسطِ بزرگای ایماندارا دز تُو دده شد. ۱۵ دَمزی چیزا کلو زحمت بکش و خود ره وقفِ ازوا بکو تا که پیشرفت تُو بلده پگ معلوم شنه. ۱۶ د فکرِ خود خُو و تعلیم خُو بش و د عملی کدون امزی کارا سخت کوشش

کُو، چُون دَ ای وِسِیلَه ام خُود خُو ره و ام کسای ره که دَ کُفتارِ ازتُو گوش مِیگیره، نِجات مِیدی.

رفتار دَ مُقابِلِ اَفرادِ مُختَلِفِ دَ جِماعتِ اِیماندارا

۵ آدم ریش سفید ره هرگز دَ تلخی-و-تندی سرزنش نکُو، بلکه او ره رقمِ آتِه خُو آلی دَ مُلایمت نصیحت کُو. قد مردای جوان رقمِ برارای خُو آلی،^۲ قد خاتونوی پیر رقمِ آبه خُو آلی و قد دُخترِونِ جوان رقمِ خوارای خُو آلی دَ پاکی رفتار کُو.

۳ خاتونوی بیوه ره که واقِعاً بیوه بَشه، عِزَت کُو. ^۴ و اگه یگ خاتونِ بیوه اولادا یا نوسه-گو دَشته بَشه، بیل که اوّل اونا مسئولیتِ دینی خُو ره دَ جای اُورده حقِ آتِه و آبه و بابه-کلونای خُو ره پوره کُنه، چراکه ای کار دَ نظرِ خُدا قابلِ قبولِ آسته. ^۵ خاتونوی که واقِعاً بیوه یه و هیچ کسی ره ندره، اُمیدِ ازو دَ خُدا یه و او شاو و روز خُو ره دَ راز-و-نیاز و دَ دُعا تیر

مُونه. ^۶ مگم خاتونِ بیوه که تسلیمِ عیاشی موشه، حتی اگه زنده ام بَشه، دَ حقیقت او مُرده یه. ^۷ ای چیزا ره دَزوا امر کُو تاکه اونا از ملامتی دُور بَشه. ^۸ اگه یگو کس ضرورتِ های قومای خُو ره و خصوصاً ضرورتِ های اَعْضای خانوادِه خُو ره تهیه نکُنه، او اصلاً اِیمان خُو ره انکار مُونه و از یگ شخصِ بے اِیمان کده بدتر آسته. ^۹ خاتونِ بیوه که سِن شی

کَلوتر از شصت سال بَشه و از یگ شوی زیاد نکده بَشه، باید نام شی ثبت شُنه. ^{۱۰} علاوه

ازی، او باید د نیکوکاری معروف بشه: مثلاً، بچکيچا ره تربيه کده بشه، مهمونواز بُوډه
 بشه، پايای ايماندارا ره ششته بشه و د ياری بے چاره‌گو رسیده بشه. خلاصه، او باید د
 هر کار نیک عمل کده بشه. ^{۱۱} لیکن نامِ خاتونوی بیوه جوان ره نوشته نکو، چون وختی
 خاهشاتِ نَفسانی ازوا اونا ره از مسیح دُور کُنه، اونا خاهشِ توی کدو ره مونه. ^{۱۲} اوخته
 قد ازی کار خو اونا پیمانِ اولی خو ره قد مسیح میده مونه و ملامت موشه. ^{۱۳} علاوه
 ازی، اونا بے کاری و ثمبلی ره یاد میگیره و خانه د خانه میگرده؛ اونا نه تنها بے کاره و
 ثمبل موشه، بلکه دوانداز و چغول ام موشه و چیزای ره مویکه که نباید بگیه. ^{۱۴} ازی
 خاطر ما خاهش مونم که بیوه های جوان دوباره شوی کُنه و صاحبِ بچکيچا شُده د
 خانداری مشغول شنه و بلده دشمو موقع ملامت کدو ره ندیه. ^{۱۵} چون بعضی از خاتونوی
 بیوه پیش ازی ام گمراه شُده و از پُشتِ شیطو رفته. ^{۱۶} اگه یگو خاتونِ ايماندار د مَنه
 قومای خو بیوه ها دشته بشه، بیل که خود شی اونا ره یاری بدیه تاکه اونا بارِ دوشِ
 جماعتِ ايماندارا نَشنه. دزی رقم جماعتِ ايماندارا میتنه د بیوه های واقعی کومک کُنه.

رفتار قد بزرگای جماعت

^{۱۷} بزرگای که کارای جماعت ره د خوبی پیش موبره، خصوصاً اونای که د وعظ و تعلیم
 کلام زحمت میکشه، مستحقِ دو برابر احترام بشه. ^{۱۸} چون نوشته های مقدس مویکه:
 ”دانِ گاو ره د غیتِ جُغول کدو بسته نکو.“ و امچنان مویکه: ”کارگر حقدارِ مُزد خو

آسته. ^{۱۹} "هیچ تهمت ره دَ ضدِ یگو بزرگِ جماعت قبول نکو، سِوای که دَ وسیله دُو یا سه شاهد تایید شنه. ^{۲۰} لیکن اُونای ره که دَ گناهِ خو ادامه میدیه، دَ پیشِ پگ سرزنش کُو تا که دیگرو عبرت گرفته ترس بخوره. ^{۲۱} دَ حضورِ خدا و مسیح عیسی و ملایکه های انتخاب شده، تُو ره قسم میدم که ای دستورا ره بدونِ تعصب-و-تبعیض اجرا کُو و هیچ کاری ره از رُوی طرفداری نکُو.

^{۲۲} دَ دست کشیدو بله کس عجله نکُو و دَ گناهای دیگرو ام شریک نشو. خود ره پاک نگاه کُو. ^{۲۳} امچنان، تنها آو وچی نکُو، بلکه از خاطرِ کوره خو و از خاطرِ ناجوریای که اکثرِ وخت دَری، یگ کمک وری شرابِ انگور ام وچی کُو.

^{۲۴} گناهای بعضی کسا امی آلی معلومدار آسته و اونا ره سون جزا میکشنه، ولے گناه های بعضی کسای دیگه پسان برَملا موشه. ^{۲۵} امی رقم اعمالِ نیک ام معلومدار آسته و حتی اگه آلی برَملا نبشه، اونا نمیتنه بلده همیشه تاشه بَمنه.

نصیحت دَ غلاما و بادار ها

^۱ ۶ اُو کسای که دَ تی یوغِ غلامی آسته، بیلید که آریابای خو ره لایقِ احترامِ کاملِ بدنه تا هیچ کس دَ باره نامِ خدا و تعلیمِ مسیح بدگویی نکنه. ^۲ غلامای که آریابای ایماندار دَره

نَباید دَ دَلِيلِ ازی که برارِ دینی شی آسته، دَزوا بے اِحترامی کُنه، بلکه اونا باید خُوبتر خدمت کُنه، چُون اُو کسای که از خدمتِ ازوا فایده میگیره، مومن و عزیزِ ازوا آسته.

نصیحت دَ باره تعلیمِ غلط و ثروتِ حقیقی

ای چیزا ره تعلیمِ بدی و دَ باره شی تاکید کُو. ^۳ اگه کسی یگو تعلیمِ دیگه بدیه و تعلیمِ شی قد تورای صالحِ مولای مو عیسیٰ مسیح و قد تعلیمِ دینداری سَم نه یه، ^۴ اُو شخص خود پَسند آسته و هیچ چیز ره نَمُوفامه. برعکس، ای رقم آدم علاقَه ناسالمِ دَ جر-و-بحث کدو و جنجال کدو دَ باره کلمه ها دَره که نتیجه شی تنگچشمی، سیالرداری، دَو-و-دشنام و بدگمانی آسته. ^۵ ایطور نفرا دَ بین خُو همیشه اِختلافِ نظر دَره و فکرِ ازوا فاسد شُده. اونا از حقیقت دُور آسته و گُمان مونه که دینداری یگ وسیله بلده منافعِ پُولی آسته. ^۶ دَ حقیقت، دینداری که قد قِناعتِ قتی بشه، یگ منبع کُنه منافع آسته. ^۷ ازی که مو هیچ چیز ره قد خُو دَ ای دُنیا نه اُوردی، ای ام ثابت آسته که مو هیچ چیز ره ازی دُنیا قد خُو بُرده نَمیتنی. ^۸ پس اگه مو خوراک و پوشاک دَری، دَمزُو باید قِناعت کنی. ^۹ مگم اونا ی که میخایه پُولدار شُنه، دَ وَسوسه و دَ دامِ آرزوهای بے فایده و نُقصان دِه گرفتار موشه که آدما ره سُون تباهی و نابودی موبَره. ^{۱۰} پُول دوستی سرچشمه هر رقم بدی آسته و بعضی کسای که دِل شی پیسه ره تلوس کده، اونا از ایمان دُور شُده و خود ره قد دَرَد و رنج های کلو گرفتار کده. ^{۱۱} لیکن تُو، ای تیموتائوس بنده خُدا، ازی چیزا دُوتا کُو. دَ دُمبال

راستی، خُداپرستی، ایمان، مُحَبَّت، صَبْر و نَرَمی بَگَرْدُو. ^{۱۲} دَ مُسَابِقَه بُّزْرگِ اِیْمَان زَحْمَت
بِکَش و زِنْدگی اَبَدی رِه مَحْکَم بَگِیر، چُون خُدا تُو رِه بَلَدِه اَمْزِی مَقْصَد کُوی کَدِه و تُو اَم دَ
پیش شَاهِدای کَلو دَ اِیْمَان خُو اِقْرار کدی.

نَصِيحَتِ خَاصِ پَوْلَسِ بَلَدِه تِیْمَوْتائِوس

^{۱۳} دَ حُضُورِ خُدا کِه پَگ رِه زِنْدگی مِیْدیه و عِیْسِی مَسِیْح کِه دَ مُقَابِلِ پُنْطِیُوس پِیْلَاتُس
شَاهِدی نِیکو دَد، ما تُو رِه وْظِیْفَه مِیْدِیْم ^{۱۴} کِه اِی حُکْم رِه بَدُونِ کَمی-و-کَاسْتی و بَدُونِ
مِلَامْتی تا رُوزی کِه مَوْلای مَوْ عِیْسِی مَسِیْح ظَهُور مُونِه، نِگَاه کُنِی.

^{۱۵} خُدای مُتَبَارَک، یِکْتا و قَادِرِ مُطْلَق

کِه شَاهِ شَاهان و رَب-الْاَرَبابِ اَسْتِه،

اَمُو وَاقِعَه رِه دَ زَمَانِ مُعِیْنِ شِی پُورِه مُونِه.

^{۱۶} تَنها اُو اَسْتِه کِه هَرگِز از بَیْنِ نَمُورِه

و دَ اِی رَقْمِ نُورِ وِجُودِ دَرِه

که هیچ کس نمیتونه دز شی نزدیک شنه.

هیچ انسان او ره ندیده و ام نمیتونه او ره بنگره.

عزت و قدرت تا ابدالابد ازو باد. آمین.

^{۱۷} د سرمایه‌دارای ازی دنیا حکم کو که مغرور بشه و د مال-و-دولت که دایمی نییه، توکل نکنه، بلکه د خدای امید دشته بشه که هر چیز ره د سخاوتمندی دز مو موبخشه تا که مو ازوا لذت ببری. ^{۱۸} دزوا امر کو که خوبی کنه و د کارای نیک غنی بشه، دست واز دشته بشه و از سرمایه خو د دیگر و بخشش کنه. ^{۱۹} دزی طریقه اونا بلده خو یگ گنج ذخیره مونه که یگ بنیاد محکم بلده آینده ازوا آسته و اونا صاحب ازو زندگی موشه که زندگی واقعی آسته.

^{۲۰} آی تیموتائوس، امی احکام ره رقم یگ امانت محفوظ نگاه کو. از ایله‌گویی و مباحثاتی که بطور غلط د نام «دانش» یاد موشه، دوری کو، ^{۲۱} چون بعضی کسای که خود ره د ای چیزا متخصیص میدنست از ایمان دور شد. فیض و سلامتی نصیب پگ شمو شنه. آمین.